

Ձեռագրի գրչության ժամանակը համընկնում է Արևելյան Հայաստանի խաղաղ և համեմատաբար բարգաւաճ տարիներին, երբ առկա էին տնտեսական կյանքի զարգացման քիչ թե շատ տանելի պայմաններ: Այս շրջանում մեծ թվով վանքեր ու եկեղեցիներ վերանորոգվեցին: Հատկանշական է, որ շատ եկեղեցիների՝ էջմիածնի մայր տաճարի, Հոփսիմեի, Մուղնու, Դարաշամբի, Թագեի, և ինչպես վերը նշվեց, նաև Ակոռու Ս. Հակոբա վանքի կաթողիկէները (զանգակատներ) այս տարիներին են կառուցվել կամ վերանորոգվել: Դարասկզբի մեծ արհավիրքներից բավական ժամանակ էր անցել, գյուղերն ու ավանները մասամբ վերաշինվել էին: Նվիրատվական արձանագրութունների տվյալներով, XVII դարի 60-ական թվականներին Ակոռու բնակչութունը շուրջ 250 ծովս է եղել, այսինքն միջին հաշվով 1250—1500 շունչ<sup>8</sup>: Ամենայն հավանականությամբ մեկուսի և մասամբ անմատչելի վայրում գտնվելով Շահ-Աբբասի մեծ գաղթի ժամանակ տեղահանման չի ենթարկվել: Առաքել Դավրիժեցին տեղահանման ենթարկված վայրերի մեջ Սուրմային ու Մասյացոտնը չի հիշում:

Անհավանական չէ, որ Արաքսի ձախափնյա շրջանի գյուղերից և այլ վայրերից, ովքեր որ կարողացել են դուրս պրծնել գաղթի հոսանքից, ապաստան են գտել Ակոռոում: Այսպես օրինակ նվիրատուների մեջ բազմիցս հիշվող փառակեցիները պետք է որ եկած լինեն Նախիջևանի Գողթան գավառի Փառակա գյուղից: Հիշված են նաև այլ դրսեցիներ, ինչպես օրինակ «չուղալեցի Եղնաբախը», «դաստակցի Վելիճանը», «դափանցի մահդասի Ասլանը», «Ըղորմեցունց Պետրոսը» և այլն: Քյոթուկի տվյալները թույլ են տալիս ասելու, որ XVII դդ. վերջերին Ակոռու բնակչութունը անհամեմատ ավելի շատ է եղել քան XIX դդ. 30-ական թվականներին, երբ Ի. Շոպենի վկայությամբ, գյուղավանի բնակչության ընդհանուր թիվը 1358 շունչ էր, որից 342-ը նորաբնակներ էին, զաղթած Արևմտյան Հայաստանի մերձակա շրջաններից<sup>9</sup>:

Չաքարիա Ագուլեցու վկայությամբ երթևեկութունը դեպի Ակոռո կատարվում էր Խոր-Վիրապի վրայով: Այդ հաստատում են նաև Յ. Պարրոտն ու մյուս ճանապարհորդները: Այս դժվարին վերելքը Չաքարիա Ագուլեցին կատարել է դեպի Ս. Հակոբա վանքը ուխտագնացության նպատակով, 1672 թ. «Ամայ գնալ գալն ԺԳ (13) աղաջ կայ. դժվար ճանապարհ է»,— գրում է նա<sup>10</sup>: Այդ նշանակում է, որ Խոր-Վիրապից մինչև Ակոռո ձգվող ճանապարհի երկարութունը մոտ 36 կիլոմետր էր:

Չաքարիա Սարկավագը, պատմելով 1679 թ. Երևանի երկրաշարժի մասին, ավելացնում է, որ Ագերբայջանի վեզիր Միրզա-Իբրահիմը գալով Երևան, իր մոտ է կանչում շրջակա խաներին և սուլթաններին, հանձնարարելով նրանց վերականգնել բերդը, Հրազդանի կամուրջը և այլ շինություններ և կարգի բերել քաղաքի ջրամատակարարումն ու ոռոգման ցանցը: Հրավիրվածների մեջ եղել է նաև Ակոռոի սուլթանը<sup>11</sup>: Այս փաստը խոսում է հիշյալ թվականներին Ակոռու վարչական նշանակութային մասին: Ըստ Շոպենի 1828 թ. գրավումից

<sup>8</sup> Եթե հաշվի առնենք, որ ձեռագրից բավական թերթեր կան պոկված, որոնց վրա նույնպես կարող էր այլ բնակիչների անուններ գրանցված լինել, ապա թվում է, թե բնակչության թիվը 1500 շնչից ավելին պետք է եղած լինի:

<sup>9</sup> Шопен, էջ 563—566:

<sup>10</sup> Չաքարիա Ագուլեցի, Օրագրութուն, Երևան, 1938, էջ 109:

<sup>11</sup> Չաքարիա Սարկավագ, Պատմագրութուն, Վաղարշապատ, 1870, հ. 2, էջ 105: